

## ACTE DE CONCESSION DEL III CONCORS DE RACONTES BRÈUS ENRIC GARRIGA TRULLOLS

Los membres de la Jurada del 3n Concors de racontes brèus *Enric Garriga Trullols*, convocat pel CAÒC, an lo plaser de vos notificar que, après los tres torns de deliberacions seguits, son arribats a la decision de concedir:

— lo 1r prèmi al racontè titolat *L'òme de la baudufa*, signat jos l'escaisnom de **Quivi : Joris Heitz**.

— lo 2d prèmi, als racontes titolats *Òme crudèu*, signat jos l'escaisnom de **Baptista Gabrièu : Matieu Poitavin**; e *Agriutas amaras*, signat jos l'escaisnom de **Adrienne Chauvet : Eliana Tourtet**.

+ aqueste segon prèmi es decernit ex aequo als dos racontes citats pr'amor que la Jurada estima lor qualitat e lors meritis parièrs.

— lo 3n prèmi, als racontes titolats *Un afar de sang*, signat jos l'escaisnom de lo **Vidalon : Alan Vidal**; e *Planvenguda a la vida*, signat jos l'escaisnom de **Joana Besièrs : Federico Merino Mir**.

+ aqueste tresen prèmi es decernit ex aequo als dos racontes citats pr'amor que la Jurada estima lor qualitat e lors meritis parièrs.

Per aquesta tresena edicion del Concors, son estats vint-e-nòu los tèxtes recebuts – cinc de mai que per l'edicion anteriora, donc –, arribats dels quatre caps d'Occitània e de Catalonha e dins de parlars coma lo provençal gavòt, lo gascon aranés o l'ariegés.


E sèm uroses de constatar que lo nivèl de qualitat s'es bravament incrementat e que los autors, cadun a son biais, an fach pròva de lor gaubi dins l'art de contar. Tanben, per çò qu'es lo trabalh de lenga, la Jurada vòl exprimir lo plaser qu'es estat lo sieu a legir los tèxtes mandats.

Ongan, pro de racontes pòrtan sus la solesa e lo besonh qu'avèm totes de nos encontrar, preses dins las reviradas de la vida. Atal, l'esperit puslèu galejaire d'unas ficcions de l'edicion passada s'es virat de cap a l'intimitat dels personatges, sovent a la primièra persona. D'autres, encara, son d'episòdis de guèrra qu'evòcan, que ne dison pro sus la dignitat de las victimas. E mancan pas las guinhadas d'uèlh a la situacion de la lenga, los auvaris que menaçon la planeta, la celebracion del plaser que i a a viure, de remembres embelinats d'enfança...

Los membres de la Jurada:

- Jaume Figueras i Trull, secretari. Professor e traductor.
- Manel Zabala Sánchez. Professor e escrivan.
- Meritxell Pueyo Sotos. Vice-presidenta del CAOC.
- Ferriol Macip Bonet. Director del Jornalet.

Es al nom dels membres de la Jurada, donc, que coma Secretari signi aqueste acte al jorn de uèi, lo 27 d'abril de 2022.



Jaume Figueras i Trull,  
Secretari